

تاریخ عثمانی انجمنی
سکزی نجی سته
نومبر و ۴۷
۱ کانون اول
۱۳۳۳
مجموعه سی

صدر اعظم رشید پاشا دن مالیه ناظری نافذ پاشایه

تذکرہ سامیہ [۴]

معلوم والاری بیورلینی اوزره مجلس عالیٰ تنظیماتک مجدداً تشکیلدن مراد مجلس احکام عدلیه تک مصالح واقعہ متنوعیه پیشه میه جک برحالدہ اولسندن و برده اصول تنظیمیه متفرع اموری متقلاً رؤیت ایتمسندن عبارت اولوب فقط مجلس عالیٰ مذکورہ اعظم وکلادن اہتلو دولتو عالیٰ پاشا حضرتلرینک رئیس تعیین اولغسی جملہ محضات منتظرہ تک اک برنجیسی عدینہ لایق ایسده مسند ریاستہ بویله برعالی کعب نصب بیوریلنجہ سایہ شوکتوایہ حضرت ملکداریدہ لاقفل سکان بیک غروش معاش تخصیصی لایب اولدیفنہ واعضالنفہ انتخاب اولنہ حق ذوات بنام ایله باش کاتب و کتبہ و خدمہ کیلرہ دخی یوز الی بیک غروش زادمسندہ معاش اعطاسی ایجاب ایلدیکنہ بناءً اجرای ایجاباتی مقام نظارت جلیلہ لرندن انہا اولغی اوزره ایکن مأموریت علیہ لری وقوعبولوب کلان تذکرہ مشیریلرنده بویله قارشولنی بولغمان معاشات ومصارفات جدیدہ تک اعطاسنہ موافقت اولنہ میه جفی ایراد وتذکار بیورلقلہ ذات والای فتوائنہامی دخی حاضر اولدقلری حالہ بین الخوامس اولنان مذاکراتک نتیجہ مسندہ ذکر اولنان مجلس تنظیماتک تشکیلی اہم اولدینی حالہ قارشولقنز معاش ویریلہ میه جکی اشعار والارندن نمایان اولسبلہ خداوندکار ایالتی مشار ایہ حضرتلرینہ توجیہ ایله ریاستہ مأمور بیوریلہ رق امور ایالت دفتردار اقدی معرفتیلہ بالوکالہ رؤیت ابتدی لہ والیک معاشنی سندالیٰ ریاستہ آلمش وامور مجلسی کورمش اولہ جقلرینہ اشتباہ اولدینندن اولوجہلہ تسویہ سی واعضا وکتبہ

[۴] کچہ جی زاده رشاد فوآد بک اوراقدن .

وساثره په تخصیصی اقتضا ایدن یوز اللی بیک غرو شک دخی بدمه محلولات
وقوعنده و بعضی مأموریتلرک الفاسده تقاص و محسوب اولنقی اوزره
شمیدن خزینة جليلة دن اعطاسی تنسیب قلنش و رأى والالرینک
استزاجی طیبی بولنش اولنقله یو باید اولان مطالعه مخصوصة علیه لرینک
سرعت انهای متوقف هم به لریدر.

سر عسکر رضا پاشا
قبودان دریا محمد علی پاشا

نافذ پاشادن رشید پاشایه جواب

مفاد فرماننامه ساهی و کالتناهی لری معلوم عاجزانه اولمشدر. بالدفعات
عرض واقاده اولندیقی وجهله خزینة مالیه نك معاذاه تمالی حال بحرانه
دوشمی بویه فلان مجلسه لزوم واردر. دیهرك برطاقم مجلیر كشاديله
قارشولقنز معاشر ویرلسیله حاصل اوله جفتدن و بین الخواص بیوریلان
ذوات دوللو سر عسکر و قبودان دریا پاشا لر حضراتی کبی اموال بیت المالی
آرامیانلر اولدیغنی و بوتلرک سوزلری بحث مالجه صولده کی صفر
راده سنده قالمق اقتضا ایده جکنی کندولری موجود ایکن حضور
سامیلرنده هر زمان اثباته حاضر اولدیغمدن غیری دولتک بر ایالته
نصب ایدوبده در سعادتده بر مجلسه ریاست ایتدیرمک و اول ایالتی بیوک
مأموردن خالی ایدهرك دفتر دارک اقتدارینه بر اقی زمان عالی
صدارتینا هیلرنده قطعاً مأمول اولمیان احوال عجیبه دن اولوب شوقدرکه
بندولری نهور ایله ایش بوزانلردن ایتم بوجهتله والینک ریاست امورنی
کوروبده ایالتی بر دفتر داره تودیع ایلندن دولایی ترتب ایده جک مشولتی
خواص مشارالیه ترک ایله یالکز قارشولقنز بر اجه نك بیله خزینة

مالیہ دن ویرلسنه رأی اعطا ایدہ میہ جکی و آخرتہ ایمانم اولدینندن
حضور رب العالمینده بواعقادتدن آیرلیہ جمنی وریاست سندالیہ لرینک
تکثرندن شونمنده حنات کورہ مدیکمی عرض ایلہ بیان فخر و مسرت
ایدرم .

صدر اسبق مرحوم رشید پاشا طرفندن مالیہ ناظری نافذ پاشایہ یازیلان تذکرہ سامیہ

مسئله یونانیہ نك حل و تسویه نه مأمور عطف و قلوب و اداقدی حضرت تیرینه
بیك کیسه قدر دها ایچہ ویرلسی لزومی مجلس وکلاده در میان اولتوب
جانب مشیریلرندن اختیار سکوت بیورلش اولسلیہ برشی دینلنماش ایسه ده
بوپاره ماده سی بودفعه تکرار اخطار قلنش و معلوم سامیلری بیورلدینی
اوزره مشارالیه کیجه و کوندوز دیمبوب ایشی یولنده اداره ایتمکده اولق
و شمعی به قدر خزینہ جلیله دولتدن آلدینی ایچہ استکثار اولنه جق مرتبه ده
اولماق حسیله بوکره کی پاره نك ویرلسی لازم کلنش اولسلیہ عرض واستیدان
و اراده سنیسی استحصال اولتمق اوزره مبلغ مزبورك صورت ترتیب
وايفاسی وابسته لطف والالریدر .

ناظر مشارالیهك جوابی

مأل اشعار عالی صدر تنهایلری معلوم چا کری اولدی . مشارالیه
شمعی به قدر ویرلن مبالغه استکثار اولنه جق مرتبه ده دکلدر بیورلسی
معلومات صحیحجه به مستد اولیوب چونکه اورایه مأمور اوله لی سکزماه
اولدینی حالده معاشیله خرج راهدندن بشقه اون درت یوک غروش ایچہ

صرفیات خفیه نامیه مسند جلیل و کالتپناهیلرندن سلف عاجزی پاشا
حضرتلرینه یازیلان فرمانلره مبنی اعطاء قلنش والیوم مفرداتی بیلنه مه رك
خارجیه نظارت جلیله سیله جا کرلری بیتنده اوزون اوزادی به مباحثات جریان
ایتمکده بولمشد. ایشته افندی مشارالیه آرزمانده ویریلن انچه چوق
شیئه رسیده اولدینی و مرجع هرامور اولان ذات آصفیلری استکثار
بیورمدینی حالده دکل یکیدن بیک کیسه ویرله بیله شودر دینله من انحق
اول و آخر خاکپای پادشاهی به دخی عرض اولدینی اوزره واردات
دولت مصارفات سلطنته کوره زیاده ایسه بویله بول بول ساحت کیدلدجکه
و موازنه به همت اولمده یقین کونلرده وارداتدن مصارفات چوق
طاشه جنی و زیاده مشکلات وجوده کله جکی آرز مطالعه ایله بیلنور
مواددن وشو حاله کوره مجلس عالیلرند سس چیقارمدیقم بو جهتلرندن
ایجاب ایتمش وایلرو گلش ایدوکی مسلمانندن بولتمیله مشارالیه درایت
واهلیت مشهوده سنی دولت وملتک ماننده دخی بذل ایدم رك اولوریله
اداره به همت واولکی صرفیات سفیهانه سنی هضم ایتدیرمکه مسارعت
ایتمک اوزره جوابنامه سامیلری تسطیرندن بشقه مطالعه کتوررمحل کوریله.
مدیکی معلوم دولتلری بیورلدقده امر و فرمان حضرت ولی الامر کدر.

جواب نامه سامی

صورت اشعار والالری رهین اطلاع ثناوری اولمشد. واقعا مشارالیه
ویریلن مبالغه بادی نظرده چوق کورینور ایسه واقف خفایای دولت
اولان ذات مشیریلری نظرند ماده نك ایچ یوزی معلوم و معین اولق
امور طبعیه دن کورینه جکته کوره استکثار دکل آرنصیق مناسب ایدی
هر نه ایسه مصلحتده صدددن چیقمق مناسب اولیوب خلاصه مأل
اشعارلرینه نظراً وسعت خزینه اولماق لازم کله جک ایسه الزمک تعدیلی

ولازمك تركى متعلق وشرفصدور بيوريلان اراده سنیه حضرت ملوكانه
اقتضای عالیندن اولمسیله هر نصل یایلورسه یایلوب باری بشیوز کیسه
اچهنك اولسون سائر شیلرک ترکیله اویشدیریلهرق تسویه سی صورتی
خارجیه ناظری پاشا حضرتلریله تذکر وتصویب اولمخله کیفیتک لطف
و سریماً آنها وافاده سی منوط هم به لیدر .

ناظر مشارالیهک جوابی

صورت اراده علیه لری رهین اذعان بندکانه اولش وهربر امر و فرمان
عالیرینک اجراسی واجیه مأموریت چا کرانه بولمیش ایسه ده احوال
خزینہ بی حضور دولترینه حکایه به دخی بورجلو بنده لرندن اولدینمه
بناء صکره کی اچهنك ویریله میه جکی بیان حال صورتنده جواب عاجزیده
ایراد اولتمشیدی خارجیه ناظری پاشای مشارالیه حضرتلری بویله یولسز
اسراف یولنده پاره بی مالیه دن ویردیرمکه رأی و مطالعه ویرمکدن ایسه
قواد اقتدی حضرتلری بنده لرینی احوال خزینہ دن حصه دار معلومات
بیورسه لرده یولسز شیلری طلب ایتدیرمه لر مقاملرینه و ذاتلرینه دوشن
اموردن کورینورهرنه ایسه دکل بشیوزکیسه بش کیه اچهنك بلاقارشولق
ویرلنه اعطای رأیده معذور اولدینمینی نه خاکای عالی صدارت پناهیلرینه
عرض ایلم هر حالده امر و فرمان حضرت ولی الامر کدر .